

Ambtenaarnan rabia ta reacciona

Funcionario Hulandes ta uza Fundacion pa tene fiesta priva

Hoe durf je!!!

ORANJESTAD (AAN) — Rumornan cu ta core riba caya pa basta tempo caba di asuntonan hopi straño y cuestionable cu tabata tuma lugar na Departamento di Finanzas, a yega nan punto culminante cu ultimo desaroyonan.

Rumornan ta core den seno gubernamental mes diferente hende a haya un invitacion hopi cuestionable pa un fiesta priva di despedida di un funcionario Hulandes, kende ta traha na Departamento di Finanzas cu un contract hopi lucrativo cu hamas y nunca un yiu di tera lo por a drumi soña di haya.

Na April 2006 e funcionario hulandes a duna di conoce cu e kier bay Arubahuis, conform su contract. Como cu Arubahuis aparentemente no tabata kier e y gobierno mester cumpli cu e contract, a dicidi di sera un contract nobo pa un año. Esaki pa cos no cay den otro na Financien.

E mester a keda yuda e director cu ta gana un salario barbaro, pero cu te cu awor aki (mas cu un año caba) no por drecha Departamento di Finanzas.

No solamente e minister di Finanzas, pero tambe e director aki cu a worde apunta pa drecha cos na Departamento di Finanzas, tin miedo di e grupito cu keto bay ta podera di e Directie; Nan ta esnan cu ta manda!

E director no ta durf di hala nan atencion y pone nan na waterpas.

Pakico mester paga tanto placa na un director cu no ta apto pa run e directie manera mester ta y cu a worde apunta pa haci un reorganizacion? Probablemente ya hulandesnan ta cla pa tuma over.

Segun informacionnan cu ta circula den seno di gobierno mes, unda cu hopi ambtenaar ta rabia pa loke a worde ofreci na un funcionario hulandes, e contrato cu a worde duna ta uno masha lucrativo mes y ta encera lo siguiente:

(1) Dos ticket ida y buelta pa asina e ta dos luna na Aruba pa ehersce su trabao y despues 2 luna na Hulanda durante un año.

(2) Huur di apartment y auto, estadia na Aruba ta

worde paga door di gobierno;

(3) E ta keda den su function di Hoofd Financieel Beheer;

(4) Su salaris ta worde paga na Hulanda cu koers favorabel.

Despues cu e funcionario aki a haci uso di tur e beneficiacion ey, di un dia pa otro el a pidi su retiro y asina dal e director cu a fix tur cos pe un puñal den lomba.

Ambtenaarnan rabia ta cuestiona henter e caso aki y ta bisa; 'Tanto esfuerzo y esaki ta e danki di "Pieterman"'

Friday the thirteen e ta tene su fiesta di despedida y el a invita no solamente mandatarionan, pero tambe casi tur ambtenaar den gobierno, pa asina e menciona cu su eigen bijdrage pa e fiesta aki ta solamente f. 250,=. Resto di e gastonan e invitadanan lo

mester paga bao di pretexto cu ta pa Fundacion Guia Mi, doch onder aftrek van kosten afscheidsfeest!!

Esaki kiermen cu bo ta organiza un fiesta di despedida bao di e pretexto cu bo mes ta aporta solamente 250 Florin y e invitadonan lo haci donacion y cu e gastonan di e fiesta lo worde desconta y loke sobra ta bay pa e fundacion.

Cu otro palabra, bo ta haci uzo di un fundacion pa organiza bo mesun fiesta priva y cubri tur gasto y loke ta resta ta bay pa e fundacion; Ki berguenza y na Hulanda un ambtenaar hamas y nunca lo por haci algo asina pasobra aya na tera frio nan lo bise flat den su cara; Hoe durf je!!!!!!

E meneer aki no a gana suficiente placa na granel cu e mes por paga su fiesta di despedida cu awor bao di capa di un fundacion e ta bay saca probecho financiero tambe te na ultimo momento?

E fundacion menciona ta di acuerdo cu nan nomber y nan meta ta worde mal uza di tal forma pa un persona organiza un fiesta priva y cubri tur su gastonan haciendo uzo di e fundacion?

Loke falta awor ta pa e grupo di friends and family di e gobierno di MEP pensa cu; 'Hepa aki tin negoshi pasobra awor nos tambe por uza e mesun tactica aki pa organiza cualkier fiesta pa haya placa extra den banda y loke resta of si resta, ta bay pa un of otro fundacion.


Ta kico mas pueblo por spera di un gobierno corrupto asina?

Puebl; o sigui guli manda abao te ora cu no tin nada mas pa guli y stoma cuminsa ranca y ronca y historia lo ripiti cu arubianonan kizas lo tin cu bay corta caña atrobe na Cuba.

Mirando e lasona estrecho cu cierto mandatarionan di Aruba tin keto bay cu Cuba e posibilidad menciona no lo ta nada straño y imposibel.

Awor no ta e grupito di friends and family di MEP so por sigui muestra pueblo cu na por sigui abusa bao di e capa di nan lema 'Nos si por hopi mas', pasobra te hasta funcionario hulandes ta demostra cu na Aruba bo por haci y deshaci y nan tambe por bisa; 'Wij kunnen ook veel meer en zelf heel veel!'

ONE WAY STREET!!



BEST DEAL

Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455



6 Second ABS cu su DVD

Antes Afl. 100,=

Awor Afl. 25,=